

# Mes piz: Péz Pazzola

DA HANS HUONDER/FMR

■ Da stad ed enviern: Il Péz Pazzola ch'è sin intschess da la vischnanca da Medel/Lucmagn e che paradescha magnificain en il sid da Mustér vali la paina d'ascender. La stad cun chalzers da muntogna, l'enviern cun equipament da turas. Il piz porscha ina bellezza survista en tut las direcziuns: Vista sin il Péz Russein (Tödi), il pli aut punct da la vischnanca da Mustér, u lura er envers sid sin il Glatscher da Medel ed il medem mument sin il Péz Medel, il pli aut punct da la vischnanca da Medel. Ma lura er envers ost cun la chadaina dals piz Muraun, Cazi-rauns e Caschleglia u vers vest cun piz da la Val Tujetsch ed Ursera. Al pe dal piz sa chatta l'Alp Pazzola, in'alp cun dretgs dals da Medel e dals da Mumpé Medel. L'alp tutgava pli baud a la claustra da Mustér. Ella vegn chargiada cun biestga surtut da purs da la Val Medel e da Mumpé Medel. 1993/94 è ella vegnida modernisada. Il Péz Pazzola è probablamain quel che gjauda mintga di l'attenziun ed admiraziun da bleras vischinas e blers vischins da Mustér. Dal vitg claustral anor è el da vesair fitg bain. Surtut sia furma



ILLUSTRAZIUN FMR

da l'alp enfin il piz fa quest territori incumparabel ed envida da far ina spassegiada, er sche quella na maina betg enfin il piz.

## Cifras e fatgs:

Num:	Péz Pazzola
Autezza:	2580 m s.m.
Ascensiu:	Davent da Mumpé Medel u davent da Mutschnengia en circa 4 uras.

En ina pitschna seria cun il titel «Mes piz» preschenta la redacziun da la FMR quests dis mintgadi in piz – tranter Müstair e Tschamut. Quella «pizzaria» vali la paina da scuvrir questa stad da «distanza», cun chaminar enfin sisum u alura era mo cun contemplar ils piz da sutensi, sco lieu da desideri.

